



Broj: 07-05-sl./17  
Ilijaš, 17.05.2017.godine

**STRUČNA SLUŽBA OPĆINSKOG VIJEĆA I  
OPĆINSKOG NAČELNIKA**

**ODGOVORI NA VIJEĆNIČKE INICIJATIVE SA 8. SJEDNICE  
OPĆINSKOG VIJEĆA ILIJAŠ održane 27.04.2017.godine**

Ilijaš, maj 2017.godine

\*\*\*\*\*

Ul. 126. Ilijaške brigade br. 6, 71380 Ilijaš  
Tel. ++387 33 580-620, 580-690, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [o\\_ilijas@bih.net.ba](mailto:o_ilijas@bih.net.ba)



Broj certifikata:CR14625Q

## **ALMIR ŠPIODIĆ – vijećnik BPS – Sefer Halilović**

### **Inicijativa:**

1. "Pokrećem inicijativu da se ambulanti Podlugovi nabavi nova stomatološka stolica u svrhu pružanja potpune zdravstvene usluge građanima."

### **Odgovor:**

Pitanje vijećnika Almira Špodića uputili smo JU «Dom zdravlja Kantona Sarajevo» i OJ Dom zdravlja Ilijaš i dobili odgovor koji Vam dostavljamo u prilogu.

### **Prilog:**

1. Akt JU "Dom zdravlja Kantona Sarajevo" broj:01-05-3928/17 od 11.05.2017.g.

## **DAMIR FILIPOVIĆ – vijećnik SDP-a**

### **Inicijativa:**

2. "Da se uradi akt koji će definisati zaštitu kulturno-historijskog naslijeđa na području Općine Ilijaš sa konkretnim mjerama, a u cilju zaštite od propadanja, zaštite od zaborava i poticanja turizma. Akt treba sadržavati i spisak svih spomenika na prostorima Općine Ilijaš."

### **Odgovor:**

Služba za društvene djelatnosti Općine Ilijaš, u skladu sa nadležnostima i raspoloživim resursima daje značajan doprinos po pitanju zaštite nacionalnih spomenika koji se nalaze na području općine Ilijaš. Služba je dostavljanjem aplikacije Komisiji za očuvanje nacionalnih spomenika inicirala da sedam kulturnih dobara na području naše općine dobije status nacionalnog spomenika kulture, a to su Graditeljska cjelina Stari Grad Dubrovnik, nekropole sa stećcima Kopošići, Mramorje, Srednje, Donji Ivančići, Bandijera na Ozrenu i Luka-ostaci srednjovjekovnog grada i nekropola sa stećcima, što svjedoči da se na području općine Ilijaš nalazi vrlo vrijedno kulturno-historijsko blago.

U 2013.godini završen je projekat dislociranja nekropole sa stećcima "Mramorje", u zaštićeno prirodno područje "Bijambare". Završetkom ovog projekta okončane su projektne aktivnosti koje su trajale punih pet godina. Ovaj nacionalni spomenik kulture učinjen je dostupnijim javnosti, a pogotovo učenicima koji posjećuju zaštićeni pejzaž "Bijambare".

Početkom 2014.godine urađena je dugoročna programska osnova za nacionalni spomenik Graditeljska cjelina Stari Grad Dubrovnik, koja može poslužiti za izradu pojedinačnih projektnih zadataka manjih obuhvata i zaokruženih tematskih cjelina koji će omogućiti i jednostavniju provedbu tenderskih procedura.

Vođene su aktivnosti na izmjeni i dopuni Odluke o proglašenju dobra nacionalnim spomenikom za nekropolu stećaka Kopošići koja je prvobitnom Odlukom Komisije za zaštitu nacionalnih spomenika imala 14 stećaka, a izmjenjenom Odlukom obuhvaćena su 34 stećka i Graditeljsku cjelinu Stari Grad Dubrovnik za koji je izmjenjenom Odlukom prošireno područje zaštite ovog nacionalnog spomenika i obustavljen rad kamenoloma koji je ugrožavao ovaj spomenik kulture.

Služba je u saradnji sa neformalnom grupom Zavičajnih entuzijasta radila na uvrštavanju Nekropole stećaka u nominacijski fajl za UNESCO ali naša inicijativa nije prihvaćena jer je nominacijski dokument upravo tih dana završen i odaslan u centralu UNESCO-a.

Podržano je održavanje Tribine: Povijest nekropola stećaka srednje Bosne na kojoj je uvodničar bio dopisni član Akademije nauka BiH, prof.dr.Dubravko Lovrenović. Tom prilikom je prikazan i film o stećcima Bosne i Hercegovine snimljen kao prilog nominacijskom fajlu za UNESCO. Također, već tradicionalno se podržava obilježavanje godišnjice Međunarodnog dana spomenika i spomeničkih cjelina, pripreme izložbi i prigodnih predavanja.

Služba je aplicirala na Javni poziv Federalnog ministarstva prostornog uređenja namjenjen za zaštitu nacionalnih spomenika, kojim su Općini Ilijaš odobrena sredstva za sanaciju pristupnog puta do nacionalnih spomenika: Stari Grad Dubrovnik i Nekropola stećaka Kopošići u iznosu od 40.000,00KM. Općina Ilijaš je obezbijedila sufinansiranje ovog projekta u iznosu od 35.893,22 KM.

Apliciranjem na Javni poziv Federalnog Ministarstva kulture i sporta u 2015. i 2016. godini obezbijeđena su sredstva za sanaciju istočne kule Starog Grada Dubrovnika. Trenutno se provode pripremne aktivnosti za arheološka istraživanja istočne kule i njenu sanaciju. Općina Ilijaš ostvaruje zavidnu saradnju sa Komisijom za očuvanje nacionalnih spomenika, Federalnim Zavodom za zaštitu spomenika kulture, Federalnim Ministarstvima kulture i prostornog uređenja, te Kantonalnim zavodom za zaštitu kulturno-historijskog i prirodnog naslijeđa Kantona Sarajevo. Zbog svega navedenog, prema ocjeni stručnjaka iz oblasti zaštite kulturno-istorijskog naslijeđa, općina Ilijaš je svrstana u red osvještenih lokalnih zajednica koje nastoje sačuvati spomenike kulture i svoje naslijeđe doprinoseći očuvanju identiteta naroda i države.

Ipak sve do sada učinjeno je nedovoljno jer je stanje u ovoj oblasti još uvijek jako loše. Ugrožavanju kulturno-historijskog i prirodnog naslijeđa pridonijeli su: ratna razaranja, nebriga i neodržavanje, nedostatna finansijska sredstva, neriješeni imovinsko-pravni odnosi, nepoštivanje zakonskih propisa i neprimjenjivanje sankcija, nedovoljna svijest o vrijednosti baštine.

Referirajući se na vijećničku inicijativu možemo istaći da važećim propisima iz ove oblasti, lokalnim zajednice nije povjereno donošenje određenih provedbenih akata na lokalnom nivou.

Bosna i Hercegovina još uvijek nema zakon o zaštiti i očuvanju kulturnog i historijskog i prirodnog naslijeđa na državnom nivou. Donošenjem Zakona o zaštiti i očuvanju kulturnog i historijskog i prirodnog naslijeđa Bosne i Hercegovine treba osigurati da pravni okvir bude u skladu sa međunarodnim standardima, propisima Vijeća Evrope i Evropske unije i sa Aneksom 8. Općeg okvirnog sporazuma za mir u Bosni i Hercegovini, kao i ojačati institucionalni okvir zaštite.

Zaštita i očuvanje kulturno-historijskog i prirodnog naslijeđa na državnom nivou povjerena je Komisiji za očuvanje nacionalnih spomenika (u daljem tekstu: Komisija). Komisija je institucija Bosne i Hercegovine uspostavljena na osnovu Aneksa 8. Općeg okvirnog sporazuma za mir u Bosni i Hercegovini i Odluke o Komisiji za očuvanje nacionalnih spomenika koju je donijelo Predsjedništvo Bosne i Hercegovine na 119. sjednici, održanoj 21. 12. 2001. godine, a kojom su, u skladu sa odredbama Aneksa 8, utvrđeni osnovni principi i ciljevi djelovanja Komisije, te njeni primarni zadaci i ovlaštenja kao institucije Bosne i Hercegovine.

Na osnovu ovlaštenja iz Aneksa 8. Općeg okvirnog sporazuma za mir u BiH Komisija donosi odluke o proglašenju pokretnih i nepokretnih dobara nacionalnim spomenikom, primjenjujući Kriterije o proglašenju dobara nacionalnim spomenikom. Komisija je profesionalna institucija na nivou države Bosne i Hercegovine nadležna za zaštitu kulturno-historijskog naslijeđa, uključujući i poslove međunarodne saradnje u ovoj oblasti.

Komisija je također ovlaštena za međunarodne aktivnosti u pitanju zaštite historijskog i kulturnog naslijeđa.

Odgovornost za provođenje odluka Komisije leži na entitetskim/regionalnim vladama i ministarstvima nadležnim za prostorno uređenje i kulturu. Vlada Federacije Bosne i Hercegovine, Vlada Republike Srpske i Vlada Brčko Distrikta dužne su osigurati finansijske, administrativne, tehničke, naučne i pravne uvjete neophodne za zaštitu, očuvanje, prezentaciju i restauraciju nacionalnog spomenika. Vlade moraju osigurati resurse za izradu neophodne tehničke dokumentacije za restauraciju nacionalnog spomenika, te za provedbu njenih odredaba.

Institucije nadležne za zaštitu naslijeđa na entitetskom nivou finansiraju se iz entitetskih budžeta preko entitetskih ministarstava nadležnih za kulturu.

U Federaciji Bosne i Hercegovine, Zavod za zaštitu spomenika pri Federalnom ministarstvu kulture i sporta je nadležan za zaštitu kulturno-istorijskog i prirodnog naslijeđa.

Značajna je uloga muzeja i arhiva na zaštiti, očuvanju i dokumentiranju naslijeđa.

U skladu sa članom 45. i 46. Zakona o zaštiti kulturne baštine u Kantonu Sarajevo ("Službene novine Kantona Sarajevo", broj:2/00 i 37/08) nadležno ministarstvo stvara uslove za zaštitu, korištenje i obnovu baštine, vrše inspekcijski nadzor i obavlja druge poslove u skladu sa ovim zakonom, a stručne i sa njima vezane upravne poslove zaštite, korištenja i obnove baštine u smislu ovog zakona obavlja Kantonalni zavod za zaštitu kulturno-historijskog i prirodnog naslijeđa Sarajevo.

**JAVNA USTANOVA  
DOM ZDRAVLJA  
KANTONA SARAJEVO  
GENERALNI DIREKTOR**

**Datum:** 11.03.2017  
**Broj:** 01-05-3928/17

**BOSNA I HERCEGOVINA  
Federacija Bosne i Hercegovine  
Kanton Sarajevo  
Općina Ilijaš  
OPĆINSKI NAČELNIK**

**n/r Sanja Zagorac-Jozić, Po ovlaštenju općinskog načelnika-Pomoćnik načelnika**

**PREDMET:** Dostava informacija  
-dostavlja se-

Veza Vaš akt broj 07-37-sl./17

Vezano za zastupničku inicijativu, zastupnika Almira Špiodića na sjednici Općinskog vijeća Ilijaš o nabavci nove stomatološke stolice za ambulantu Podlugovi, obavještavamo Vas da je svakako u tekućoj 2017. godini planirana kupovina nove stomatološke stolice za navedenu ambulantu te su za tu svrhu planirana i finansijska sredstva. Prilikom izvršenja plana javnih nabavki za 2017.-tu godinu, nadamo se realizovanju navedenog kako bi se u ambulanti Podlugovi pružala kvalitetna zdravstvena-stomatološka usluga pacijentima kojima je ta vrsta usluge i potrebna.

**S poštovanjem,**

**GENERALNI DIREKTOR**

M. med. sc. prim. dr. Fuad Husić

Spec. porodnične medicine

**DOSTAVITI:**

- Naslovu
- a/a